

影印
文淵閣

四庫全書

影印

文淵閣四庫全書

第六三六冊

北京出版集團公司
北京出版社

本冊目次

欽定皇朝文獻通考(五)

清 乾隆十二年敕撰……………一

欽定四庫全書

史部
皇朝文獻通考卷一百七十九

府丞_臣龔駿文覆勘

總校官檢討_臣何思鈞

欽定四庫全書

皇朝文獻通考卷一百七十九

兵考一

臣等謹案周官大司馬統六軍之衆掌九灋之職
詳哉其言之當是時永清大定之後載戰于戈載
橐弓矢越裳底貢肅慎來朝可云無事矣而講明
武備若是其委曲繁重何哉誠以兵者誅暴禁邪
威不軌而昭文德不可一日而不備也班固作漢
書十志而兵制僅附見於刑法中雖曰刑有三等

欽定四庫全書

皇朝文獻通考
卷一百七十九

甲兵為大理本相通然使一代政令闕而未全論
者惜之自茲以還兵事日繁史各有志如馬氏通
考及五朝續通考所載得失燦然著矣我

朝龍興東土以武功開國自

太祖高皇帝始以戎甲十三聲基王迹創立八旗實為萬

世兵制所由昉

太宗文皇帝兼弱攻昧取亂侮亡一時大畏小懷所向無

敵

世祖章皇帝一著戎衣混一區夏增定中外營制益復精

詳

聖祖仁皇帝剪削逆藩戡定荒服功烈懋昭彪炳史冊

世宗憲皇帝宵旰勤勞繼志述事西北兩路用師申嚴戎

律更為明備我

皇上天錫勇智觀

光揚

欽定四庫全書

皇朝文獻通考
卷一百七十九

烈比年以來

命將出師

親授方略蕩平準噶爾回部大小兩金川豐功偉烈亘

古罕聞而持盈保泰猶無時不警戒恬嬉蒐討軍

實兵制之善洵足垂諸億載竊惟

列聖相承決策於廟堂之上而制勝於萬里之外

神機睿略運用無方固有非臣下所能揣測者然即其

外見之迹窺之内外相維遠近相錯當其無事之

時養兵不試屹然有金湯之固及其不得已而用

之
天戈所指電舉霆發無不立就削平益簡練精純規制

嚴密自然之明效也臣等敬稽

列聖實錄

五朝國史兵志

皇上起居注冊

欽定大清會典及兵科錄書諸籍凡有關兵制者參酌

欽定四庫全書

皇朝文獻通考
卷一百七十九

排纂具載於篇至於馬氏所列尚有車戰舟師之

目今水師營制已詳載直省兵內毋庸另編車戰

雖古法而不行於今茲編並削其目從其實也

兵制

臣等謹案設兵之制歷代因革損益雖互有不同

而其實不甚相遠其出於特初而無所因襲者則

我

朝八旗之制是也敬溯

國初先編立四旗以統人衆尋以歸服益廣乃增建為八旗然猶統滿洲蒙古漢軍之衆而合於一也迨其後戶口日繁又編蒙古八旗設官與滿洲等繼編漢軍八旗設官與滿洲蒙古等合為二十四旗其制以旗統人即以旗統兵蓋凡隸乎旗者皆可以為兵非如前代有僉派召募充補之煩而後收兵之用也洎乎

寶錄攸歸中外一統復設綠旗營以統漢兵蓋

欽定四庫全書

皇朝文獻通考

卷一百七十九

四

本朝建旗辨色以相勝為用於是五德兼全五行悉備內而京營則有親軍前鋒護軍驍騎步軍之分或用上三旗或兼用八旗外而直隸各省凡駐防兵用八旗各標及營汛兵用綠旗百餘年來增損隨時悉臻盡善至於外藩諸部奔走偕來分職編旗與內八旗相等有大征伐並帥師以從斯尤柔遠之鴻圖迄於無外者也邇者西陲底定式廓版圖列戍開屯規模益遠謹先叙各兵制建置之大綱

而以軍令附焉

太祖高皇帝辛丑年初設四旗先是癸未年

太祖以遺甲十三副起事征尼堪外蘭敗之益厲兵力以

次削平諸部歸附日衆初定出兵校獵不論人之多寡各隨族黨屯寨而行每人各取一矢十人設一長領之其長稱為牛录額真至是始分為四旗曰黃旗曰白旗曰紅旗曰藍旗以純色為辨每旗下以三百人為一牛录轄以牛录額真一人

欽定四庫全書

皇朝文獻通考

卷一百七十九

五

臣等謹案是年為編牛录之始嗣後續設固山額真梅勒章京甲喇章京等官至順治十七年始定漢字稱都統副都統叅領佐領等名茲謹仍舊稱以昭初制

甲寅年定八旗之制以初設四旗為正黃正白正紅正藍增設四旗為鑲黃鑲白鑲紅鑲藍黃白藍均鑲以紅紅鑲以白合為八旗統率滿洲蒙古漢軍之衆每三百人設牛录額真一人五牛录設甲

喇額真一人五甲喇設固山額真一人每固山設左右梅勒額真二人時滿洲牛录三百有八蒙古牛录七十六漢軍牛录十六行軍時地廣則八旗並列分八路地狹則八旗合一路而行

臣等謹案自後生齒日繁及中外臣民歸服者益衆隨時增編滿洲蒙古漢軍佐領無定額

天命五年改設八旗官設總兵官分為三等其副

將參將遊擊亦如之各牛录額真俱為備禦官每

欽定四庫全書

皇朝文獻通考
卷一百七十九

六

牛录下設千總四人

天聰八年改定八旗官奉

諭凡我國官名皆當易以滿語勿仍襲漢語舊名今悉為釐定五備禦之總兵為一等公一等總兵官為一等昂

邦章京二等總兵官為二等昂邦章京三等總兵官為

三等昂邦章京一等副將為一等梅勒章京二等副將

為二等梅勒章京三等副將為三等梅勒章京一等參

將為一等甲喇章京二等參將為二等甲喇章京遊擊

將為一等甲喇章京二等參將為二等甲喇章京遊擊

為三等甲喇章京備禦為牛录章京旗長為壯達凡管理不論官職管固山者即為固山額真管梅勒者即為梅勒章京管甲喇者即為甲喇章京管牛录者即為牛录章京管巴牙喇額真即為章京管巴牙喇甲喇額真即為巴牙喇甲喇章京嗣後皆照我國新定者稱之

又定八旗兵名奉

諭滿洲蒙古漢人前此騎步守哨等兵雖各有營伍未分

欽定四庫全書

皇朝文獻通考
卷一百七十九

七

名色故止以該管將領姓名稱為某將領之兵今宜分辨名色永為定制隨固山額真行營馬兵為阿禮哈超哈巴牙喇營前哨兵為噶布什賢超哈駐防盛京兵為守兵預備兵為援兵各城寨兵為守邊兵舊蒙古左營為左翼兵右營為右翼兵舊漢兵為烏真超哈元帥孔有德兵為天祐兵總兵官尚可喜兵為天助兵

俱歸入
漢軍

臣等謹案阿禮哈超哈為駝騎營之始巴牙喇為

護軍營之始噶布什賢超哈為前鋒營之始烏真超哈為漢軍之始

九年設蒙古八旗先是八年以所獲察哈爾部千餘戶分給八旗是年正月復以察哈爾來歸各官並壯丁三千二百餘名均隸各旗至是始編審人丁及舊喀喇沁壯丁分為蒙古八旗其旗色與滿洲八旗同每旗設固山額真一人梅勒章京甲喇章京各二人分轄所編牛录

欽定四庫全書

皇朝文獻通考
卷一百七十九

八

崇德二年分漢軍為二旗先是天聰七年令滿洲各戶有漢人十丁者授縣甲一副共一千五百八十戶令舊漢兵之將領官統之以補各旗之缺額者至是始分為左右翼二旗其旗皆用皂色每旗設固山額真一人轄所編牛录

四年分漢軍為四旗時定旗色一以皂鑲黃一以皂鑲白一以皂鑲紅一純用皂色每旗設固山額真一人梅勒章京二人甲喇章京四人牛录章京

十八人

七年設漢軍八旗定旗色與滿洲八旗同每旗設固山額真一人梅勒章京二人甲喇章京五人順治元年

世祖章皇帝定鼎燕京公置滿洲蒙古漢軍八旗於京城內鑲黃正黃旗居北方正白鑲白旗居東方正紅鑲紅旗居西方正藍鑲藍旗居南方左翼自北而東自東而南鑲黃旗在安定門內正白旗在東直

欽定四庫全書

皇朝文獻通考
卷一百七十九

九

門內鑲白旗在朝陽門內正藍旗在崇文門內右翼自北而西自西而南正黃旗在德勝門內正紅旗在西直門內鑲紅旗在阜成門內鑲藍旗在宣武門內

又定八旗驍騎營制滿洲蒙古漢軍各八旗每旗各設都統一人副都統二人所屬參領滿洲漢軍每旗各五人蒙古每旗各二人

康熙三十四年增設委署參領雍正

元年改為副參領佐領約以三百人為率隨時編設無定

額驍騎校每佐領下一人稽所編人戶田宅兵籍

詳見後禁衛兵

又定八旗都統所轄甲兵本朝兵制各旗之官員兵丁其戶口屬籍無不隸于都統至於簡用充補自驍滿洲蒙古旗每

騎營而外則各該管大臣分領焉

佐領下設親軍上三旗者隸領侍衛內大臣下五

旗者隸宗室王公設前鋒隸前鋒統領設護軍隸

護軍統領康熙三十年於滿洲蒙古旗增設烏槍護軍烏槍驍騎驍騎隸火器營總統

雍正二年設圓明園護軍隸設軍營總統乾隆十四年設雲梯前鋒兵隸健銳營總統設步

欽定四庫全書

皇朝文獻通考卷一百七十九

軍領催及步軍隸步軍統領其本營領催與驍騎

及弓匠或鐵匠鞍匠等各隸本旗都統漢軍旗每

佐領下設步軍領催及步軍隸步軍統領其本營

領催與驍騎雍正二年于漢軍每佐領下驍騎內設藤牌兵四名乾隆元年定漢軍每

旗設藤牌兵一百名於驍騎內選充各隸本旗都統

又定八旗前鋒營制滿洲蒙古八旗分左右兩翼

每翼各設前鋒統領一人率前鋒參領前鋒侍衛

前鋒校等其所轄為前鋒營兵備警蹕宿衛詳見後禁

衛兵

又定八旗護軍營制滿洲蒙古八旗各設護軍統

領一人率護軍參領雍正元年增設副護軍參領護軍校等其

所轄為護軍營兵備警蹕宿衛及門禁傳籌詳見後禁

衛兵

設領侍衛府滿洲蒙古鑲黃正黃正白上三旗設

領侍衛內大臣六人內大臣六人散秩大臣無定

員率一二三等侍衛及藍翎侍衛親軍校親軍等

欽定四庫全書

皇朝文獻通考卷一百七十九

康熙三十七年增設宗室侍衛及漢侍衛雍正三年增設四等侍衛於藍翎侍衛內選充備宿

衛扈從詳見後禁衛兵

設提督九門步軍營步軍統領一人率左右翼步

軍總尉順治五年增設八旗副尉雍正四年增設八旗參尉乾隆十九年改總尉名翼尉副尉名協尉參尉名副尉八旗步軍尉等統轄滿洲蒙古漢軍

八旗步軍掌守衛巡警其城門尉城門校乾隆十九年改

城門尉尉名城門領尉城門尉尉名城門校尉城門尉尉名城門校尉門千總等掌城門啟閉設巡捕

營參將遊擊等官統轄馬步兵分汛巡緝別領於

營參將遊擊等官統轄馬步兵分汛巡緝別領於

兵部職方司

初設南北二營十四年增設中營康熙三十年始令步軍統領兼管乾隆

四十六年增設左右二營為巡捕五營詳見後禁衛兵

設內府三旗初定三旗設滿洲佐領旗鼓佐領正

黃旗朝鮮佐領內管領等統各護軍驍騎隸領侍

衛內大臣管轄

後改隸內務府總管

嗣後以次增設叅領副

叅領及護軍統領復添設前鋒分為護軍前鋒驍

騎三營備宿衛扈從

屬

盛京內府三旗官員兵丁或京內務府總管仍由

在京內務府掌其升選俱詳見後禁衛兵

欽定四庫全書

皇朝文獻通考卷一百七十九

十二

設

盛京八旗駐防兵時以遷都燕京

命內大臣何洛會為

盛京總管設左右翼梅勒章京各一人統領滿洲蒙

古漢軍八旗兵駐防

盛京並設各城城守官至三年改總管為昂邦章京

十年增設寧古塔昂邦章京康熙元年改

盛京寧古塔昂邦章京並稱將軍十五年移寧古塔

將軍駐吉林船廠城二十三年增設黑龍江將軍

三十八年移黑龍江將軍駐齊齊哈爾城與副都

統統轄城守尉防守尉防禦各員

詳見後直省兵

設直省八旗駐防兵時初設獨石口張家口防禦

分遣甲兵駐防至二年復遣八旗兵駐防直隸之

順德府山東之濟南府德州臨清州江南之徐州

府山西之平陽府潞安府蒲州府凡八城每城設

協領一人滿洲章京四人蒙古漢軍章京各二人

欽定四庫全書

皇朝文獻通考卷一百七十九

十三

尋復增定江南江寧府浙江杭州府等處駐防兵

制嗣後隨各省形勢設將軍都統副都統或但設

城守尉防守尉駐防

詳見後直省兵

設直省綠旗營凡直省漢兵俱以綠旗為辨總督

所屬為督標巡撫所屬為撫標提督所屬為提標

總兵所屬為鎮標自總兵而下則為副將叅將遊

擊都司守備千總把總各員而總督則節制巡撫

標及提督總兵標提督又節制各鎮總兵標各鎮

標統轄各協及各營其屬於河道總督者為河標

所轄各營專司防河護運屬於漕運總督者為漕

標所管各衛所專司分幫領運

詳見後直省兵

設外藩扎薩克各旗先是天命天聰年間科爾沁

等各蒙古相繼款附予以封爵定鼎之後以次編

旗凡內扎薩克二十五部為五十一旗每旗扎薩

克一人協理旗務者無定員以王貝勒貝子公台

吉等為之設都統副都統

以本旗台吉內以原爵兼任

參領佐

欽定四庫全書

皇朝文獻通考

卷一百七十九

五

領驍騎校驍騎如內八旗之制至康熙三十年設

喀爾喀各旗三十六年設賀蘭山厄魯特旗及哈

密旗四十三年設額濟內土爾扈特旗雍正三年

設青海各旗十年設土魯番旗乾隆十九年設都

爾伯特各旗各隨人眾編佐領有差

詳見後

設守衛

陵寢官員兵丁先是天聰八年

永陵設散秩官至順治初

福陵

昭陵各設雲騎尉五年增設散秩官八年

永陵增設騎都尉雲騎尉嗣後

盛京

三陵各增設總管副總管防禦驍騎校等員嗣又于

京師

東陵

西陵各設總管副總管防禦驍騎校等員

欽定四庫全書

皇朝文獻通考

卷一百七十九

五

園寢各設防禦驍騎校等員所屬八旗驍騎各有差

詳見後

八年定王公府屬武職官員兵丁分別親王郡王貝

勒貝子鎮國公輔國公等以次設長史散騎郎護

衛等職並府屬佐領下各設驍騎校驍騎有差

詳見後

十七年定八旗漢字官名奉

諭嗣後固山額真清字仍稱固山額真漢字稱為都統梅

勒章京清字仍稱梅勒章京漢字稱為副都統甲喇章

京清字仍稱甲喇章京漢字稱為參領牛录章京清字

仍稱牛录章京漢字稱為佐領昂邦章京清字仍稱昂

邦章京漢字稱為總管烏真超哈清字仍稱烏真超哈

漢字稱為漢軍尋又經大臣議定噶布什賢噶喇昂邦

漢字稱為前鋒統領巴牙喇章京漢字稱為護

軍統領噶布什賢章京漢字稱為前鋒參領巴牙

喇章京漢字稱為護軍參領噶布什賢壯達漢字

稱為前鋒校巴牙喇壯達漢字稱為護軍校分得

撥什庫漢字稱為驍騎校

臣等謹案雍正元年以八旗都統印信所有滿文固

山額真字樣額真二字非臣下印信所得濫用改

為固山昂邦

康熙十四年設游牧察哈爾八旗時以遷察哈爾

部衆於宣化大同府邊外編為八旗設參領佐領

護軍校驍騎校護軍驍騎等

康熙三十八年增設總管如內八

旗之制隸八旗蒙古都統

後設都統駐張家口管轄詳見後直省兵

二十三年設三旗虎槍營總統一人以公侯大臣

兼任總領六人率三旗虎槍兵專備蒐狩行田

後禁衛兵

三十年設火器營總統無定員

雍正年間定為六人

大臣兼任

乾隆二十九年增設掌關防營總八人

率八旗鳥槍護軍

參領護軍校驍騎校等統轄鳥槍護軍鳥槍驍騎

礮驍騎掌演習火器

詳見後禁衛兵

雍正二年設

圓明園八旗護軍營總統無定員以王公大臣兼任

率營總

十年增設護軍參領

副護軍參領護軍校等統轄護

軍於

圓明園分地駐劄以備翊衛

詳見後禁衛兵

設

圓明園內府三旗每旗設護軍參領副參領護軍校

等

十年增設營總

統轄護軍屬

圓明園總統王公大臣仍隸於內務府

詳見後
禁衛兵

設八旗養育兵奉

諭八旗滿洲蒙古漢軍均係累世効力舊人承平既久滿

洲戶口滋盛餘丁繁多或有丁多之佐領因護軍驍騎
皆有定額其不得充伍之間散滿洲至有窘迫不能養
其妻子者每思及此惻然動念將如何施恩俾得生計
之處再四籌畫並無長策欲增編佐領恐正餉不敷若
不給以錢糧俾為養贍何以聊生既不能養其家口何

欽定四庫全書

皇朝文獻通考
卷一百七十九

六

由造就以成其材今將旗下滿洲蒙古漢軍共選四千
八百人為教養兵訓練藝業每人各給三兩錢糧每年
共需錢糧十七萬二千八百兩每旗滿洲蒙古漢軍共
六百名內滿洲每旗四百六十名蒙古六十名漢軍八
十名其漢軍之八十名令為步兵食二兩錢糧就此錢
糧數內通融料理可多得四十名漢軍每旗著選百二
十名此所設教養兵若計佐領選取恐多寡不同應於
叅領下計數選取至乾隆三年復定滿洲蒙古各旗原

設養育兵每二名出缺作為三名照漢軍例各給

銀二兩滿洲蒙古旗每佐領下增足養育兵十名

漢軍旗每佐領下增足六名十八年復定養育兵

每三名出缺作為四名再

恩賞一名各改給銀一兩五錢時於原養育兵一萬五

千一百二十四名外勻出缺五千四十四再

恩賞缺五千四十四共二萬五千二百十二名食銀四

十五萬三千八百十六兩二十九兩復定滿洲蒙

欽定四庫全書

皇朝文獻通考
卷一百七十九

十九

古之養育兵二萬三百十五名每年增食米一萬

六千一百石有奇

乾隆十四年設健銳營總統無定員以王公大臣

兼任率兩翼翼長八旗前鋒叅領副叅領前鋒校

等統轄前鋒兵演習雲梯諸技是即為雲梯兵

詳見

後禁
衛兵

二十六年設西域新疆駐防兵時以平定準噶爾

回部分派滿洲兵索倫兵察哈爾兵及綠旗兵視

各處情形酌量分駐卡倫兵領以侍衛屯田兵領以督屯武職駐防馬兵隸于佐領綠旗兵隸于營員其回兵則令各城伯克經理而以駐劄之將軍大臣總轄之各兵丁或攜眷永駐或三年更代以次增設無定額

詳見後直省兵

四十六年奉

諭向來各省提鎮以下至將弁等俱有分扣兵丁名糧作為得項者此例定自何年其每員應得若干係何

欽定四庫全書

皇朝文獻通考卷一百七十九

三

名目各省是否一例按照地方情形品級大小酌定數目多寡又或各省參差不同著交各該部將定例年月及現在款項數目分晰查明分單具奏至此事因循已久恐又於定數之外私自剋扣增添者若每員任內私扣一名後任積漸加增侵扣無所底止督撫姑息不加查察久之即為虛額空糧之弊尤不可不徹底清查著傳諭各督撫將各省提鎮以下武職現在分扣名糧實數及有無私添之處查明據實具

奏

又

諭國家設兵衛民簡核軍實期于營伍整齊兵額充足如兵丁等紅白事件從前設有生息惠濟銀兩以資賞卹後因生息名色有關國體特敕停止昨陝甘添兵案內籌及賞卹聲請酌復惠濟銀兩朕以國家賞兵之費藉商生息支給究屬非宜已傳諭令其動用正項開銷各省兵丁紅白銀兩原係加惠行伍格外施恩若因此裁扣名糧致額不足殊非核實行伍之道所有各省營伍賞卹兵丁紅白銀兩自乾隆四十七年為始俱著於正項支給造冊報部核銷至各省提標以下武職員弁俱有應得坐糧馬乾等項令軍機大臣會同該部核辦照文員之例議給養廉其所扣兵餉即可挑補實額核計添給養廉歲支不及二百萬兩官員既無拮据而各省又增添兵力於行伍大有裨益所有辦理添補兵額紅白賞卹銀兩及名

欽定四庫全書

皇朝文獻通考卷一百七十九

三

糧裁添養廉緣由明晰曉諭中外知之尋議定直隸

省裁養廉名糧三千八百七十名賞卹名糧九百

名增實兵四千七百七十名山東省裁養廉名糧

一千五百九十三名增實兵一千五百八十一名

山西省裁養廉名糧二千一百六十名賞卹名糧

四百三十五名增實兵二千五百九十五名河南

省裁養廉公費名糧一千一百八十三名增實兵

九百七十九名江南省裁養廉名糧四千四百十

欽定四庫全書

皇朝文獻通考
卷一百七十九

三十三

一名賞卹名糧六百名增實兵五千十一名江西

省裁養廉名糧一千三百三十七名賞卹名糧二

百五十名增實兵一千五百八十七名福建省裁

養廉名糧四千七百五十六名公費名糧一千四

百八十名增實兵四千七百五十六名浙江省裁

養廉名糧三千七百七十七名公費名糧一千一百四

十名增實兵三千三十九名湖北省裁養廉公費

名糧二千九百三十三名增實兵二千三百八十

名湖南省裁養廉公費名糧三千三百八十六名

增實兵二千五百八十八名四川省裁養廉公費

名糧四千二百七十四名增實兵四千二百七十

四名陝西甘肅二省裁養廉公費名糧七千九百

三十名已增兵一萬二千七百三十名無庸改募

廣東省裁養廉名糧五千七百七十四名增實兵

五千七百七十四名廣西省裁養廉名糧三千三

百三十四名增實兵二千三百三十四名雲南省

欽定四庫全書

皇朝文獻通考
卷一百七十九

三十三

裁養廉賞卹公費名糧五千七百八名增實兵五

千四百六十名貴州省裁養廉賞卹公費名糧五

千二百八十二名增實兵五千二百八十四名

兵額

八旗滿洲兵五萬九千五百三十名

八旗蒙古兵一萬六千八百四十三名

八旗漢軍兵二萬四千五十二名

京城巡捕營兵一萬名

直隸省兵三萬九千四百二名

山東省兵一萬七千五百四名

山西省兵二萬五千七百五十二名

河南省兵一萬一千八百七十四名

江南省兵四萬八千七百四十七名

江西省兵一萬三千九百二十九名

福建省兵六萬三千一百十九名

浙江省兵四萬三十七名

湖北省兵一萬七千七百九十四名

湖南省兵二萬三千六百四名

四川省兵三萬二千一百十二名

陝甘省兵八萬四千四百九十六名

廣東省兵六萬八千九十四名

廣西省兵二萬三千五百八十八名

雲南省兵四萬一千三百五十三名

貴州省兵三萬七千七百六十九名

軍令

國初定凡親王郡王貝勒貝子公等遇敵交鋒若七旗敗通一旗攻戰有裨于七旗者將七旗佐領下人丁給與一旗若一旗敗通七旗攻戰將敗通人丁分與七旗若一旗內一半攻戰一半敗通將敗通人丁撥與本旗攻戰之人若一旗內一半有事他處未與攻戰半旗雖敗人丁留給本旗未戰之王貝勒貝子公等其攻戰之各旗酌量給賞若遇

敵猝乘七旗未及準備而一旗獨能攻戰亦止照功給賞其七旗免草人丁

凡曠野遇敵時如不按隊伍輕入敵陣或見敵兵單少擅自奔馳者將所乘之馬並本處所獲人口入官

凡列陣攻戰時須從容縱馬各照對敵前進如遷延趨避尾附他隊或他隊已進立視不前者各按所犯治罪

凡進兵時或有稍先稍後者克敵後不許彼此爭競至敵人敗北宜追者須選精騎當先其都統護軍統領等各領本標分隊隨後以防追兵陷入埋伏倘追趕時或被伏兵攔截都統護軍統領等即行迎敵

凡出兵時各認本佐領旗號依隊而行都統副都統護軍統領參領佐領各以次管轄嚴行約束不許離伍亂行爭取遺物不許喧嘩酗酒如亂行者

欽定四庫全書

皇朝文獻通考
卷一百七十九

三六

罰銀三兩給拏獲之人喧嘩酗酒者責治至失火者論死夜間行營勿得無故吹哨違者治罪

凡軍士盔甲及軍器馬絆等俱釘字號馬尾後拴牌烙印馬無印者罰銀二兩箭無字者罰銀十兩給拿獲之人無銀者鞭三十如偷盜鞍轡籠頭等物者照偷盜例鞭責

凡有一二人妄行搶掠被人傷害者即將妻子入官該管官仍治罪

凡搶奪民人柴草者鞭八十賠還柴草該管官罰俸一年

凡官兵出征不許拆毀神廟妄殺平人已經俘獲者勿得剝取衣服拆散夫婦至不堪俘獲者亦不得傷害其俘獲之人勿令看守馬匹

凡發兵之時兵丁或在家或在外如有違約者該管參領佐領等官每兵一名罰銀五兩若至革職等罪奏聞定奪兵丁不遵約束者酌量所犯責治

欽定四庫全書

皇朝文獻通考
卷一百七十九

三七

該管官仍議處至康熙十一年復定官員出征在家規避不起身者革職在外違約者革職提問護軍及領催兵丁等在家規避不起身者鞭一百仍發往軍前在外違約者鞭一百所獲人口入官若係差遣之處不遵號令違誤者鞭一百出兵之處不遵號令妄行者為首正法餘枷號三月鞭一百該管官罰俸一年

凡出征大臣嚴禁兵丁不許搶掠如縱兵搶掠并